



Akilerartarnermut Pisortaqarfik  
/maani

Ulloq/Dato:  
J. nr.:

## **Aningaasarsianit akileraarutit pillugit Inatsisartut inatsisaata allanngortinneqarnissaa pillugu tusarniaanermut akissutit**

KANUKOKA tusarniaanermut akissuteqaatinik tigusaqarpoq ulloq 17. juni 2009, Akilerartarnermut Aqutsisoqarfimmiit tusarniaassutigineqartunut akissutigineqartunik.

Qulaani pineqartoq kommuninut tusarniaassutigineqarsimavoq.

### *Aatsitassarsiornermik ingerlatsinermi akilerartussaataaneq*

Kommunit aamma KANUKOKA aatsitassarsiornermut atatillugu akilerartussaataaneermut aalajangersakkanut oqaaseqaatissaqanngillat, pissusissamisoortutullu isigineqarpoq misissueqqaarnernut, misissuineranut aamma nunap qaavani, imap naqqani aamma nunavimmi immap naqqaniittumi aatsitassanik piiaanernut atatillugu akilerartussaataanerup nalornissutigineqannginnissaa pillugu aalajangersagaqarnissaanut.

### *Biileqartitaaneermut ajunngitsorsianit akilerartussaataanerup sukateriffigineqarnera*

Aningaasarsianit akileraarutit pillugit Inatsisartut inatsisaanni qatserisartut biilinik qatserinermut atorneqartartunik (biililluunniit immikkut atorneqartartut allat) qaaqquneqariartaarsinnaanermut piareersimatinneqartartut suliffimmiit suliffimmullu ingerlatsigisarnerisa saniatigut angallannermi allanut atorneqartarpata akilerartussaataaasoqassaaq.

Tulluartuunngilaq qatserisartut qaaqquneqariataarsinnaanermut piareersimasussaataasut akilerartusersorneqarnissaat, qatserisartut biiliinik sillimmateqartitaanikkut aggersarneqariataarsinnaaneq sapinngisamik sivikinnerpaamik piffissamik atuinikkut pisinnaassasoq siunertaasarmat, taamalu qaaqquneqariataarnermi biilli angerlarsimaffiup eqqaanut qimanneqassappat aggersarneqarnermut piffissaq atorneqartoq sivitsorsarneqartussaammat.

Anguniagaq taanna qatserisartup maanna naammaginartumik naammassisinnaanngilaa, isertitasamigut annaasaqaatiginagu. Qatserisartoq sukkasuumik aggersarneqarsinnaanermut piumasari-neqartunik naammassinissinnaassaguni maanna qaaqquneqariataarsinnaanermi angerlarsimaffimmini suliffimminiluunniit piareersimasariaqartassaaq. Isertitassanillu annaasaqarneq taanna maanna allannguutaasussami annertusarneqassalluni. Taamaattumik siunnersuutigissavarput biilit aggersaarsinnaanermut atorneqartartut eqqarsaatigalugit immikkut aaqqiissuteqartitsisoqassasoq, biilit ikiuiartornermi ikittaqaataartunik atortorissaarutillit, marloqiusanillu siggar-

taatillit eqqarsaatigalugit, taamaaliornikkut biilit aggerasuarsinnaanermut atorneqartartut piffisani aggersaaffiusuni akileraarutaasussaajunnaarlugit.

*Pisortat aningaasaqarnikkut sinniisui*

Kommunit aamma KANUKOKA pisortat aningaasaqarnikkut sinniisuinut tunngasutigut allanguutissatut siunnersuutaasumut oqaaseqaatissaqanngillat, akiliisitsiniartarnerup nakkutilliisinaanerullu inatsimmi sinniisoqarnissamik piumasaqaateqarnikkut nukittorsaavigineqarnissaa anguneqassammat.

Siuliini saqqummiunneqartut saniatigut annertunerusunik oqaaseqaatissaqanngilagut.

Inussiarnersumik  
Med venlig hilsen

Karl Davidsen